



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetiis, 1647

De obligationibus alijs Sacerdotum circa Missam. 12.

urn:nbn:de:hbz:466:1-9500

Hoc est. Altè. Breuiter. Clarè. Deuotè. Exactè, seu Exquisite.

Altè, vt audiatur. Breuiter, non ultra medium horam, ait *Scortia lib. 2.c.19.vel paulo ultra*. Clarè, vt omnia verba integrè proferantur. Deuotè, vt attendatur ad ea quæ dicuntur. Exactè, vt siant omnia, quæ præscribuntur in Rubricis.

14. * Vt autem Rubricarum obligatio magis innotescat, præterquam quod in Bulla Pij Quinti pro Missali edita omnis mutatio, additio, & detractio prohibetur, Decreuit Concil. Trident. sessione 7. canone 13. in hæc verba: Si quis dixerit, receptos & approbatos Ecclesiæ Catholicæ ritus, in solemni Sacramentorum

administratione adhiberi consuetos, aut cōtemni, aut sine peccato à ministris pro libito omitti, aut in nouos alios per quæcunque Ecclesiarum Prælatum mutari posse, anathema sit. Hæc ibi. Solemnis certè Sacramenti Eucharistiæ administratio in Missa fit, siue sit solemnis, siue priuata, & titus, qui habentur in Missali Romano sunt Ecclesiæ Catholicæ recepti, & approbati, vt patet. Ex quibus non video, qua ratione doceant moderni Theologi, opinionem esse probabilem, quod sine peccato possint omitti Rubricæ, & sine causa scienter, etiam in materia leui. sed de his satis.

De alijs obligationibus Sacerdotum circa Missam. XII.

¹ A lterum erat circa onera Sacerdotum in ordine ad Missam, quæ ad capita quinque reuocari possunt: vel ratione Loci: vel ratione Temporis: vel ratione Ritus: vel ratione Officij, seu Beneficij, vel ratione Stipendij: & hoc eodem ordine procedendum erit in hoc titulo.

² Ratione Loci: tenetur Sacerdos sacram facere in certo Altari, non impeditus legitime, si testator, aut alius locum celebrāde Missæ præscriperit; alias peccat moraliter, quia non implet voluntatem testatoris, quam neque hæredes mutare possunt. non tamen tenetur ad restitutionem, si alibi pro eo celebret. citat *Dottores Bonacini. de Euchar. disp. 4. quæstione ultim. punct. 7. §. 4. a num. 2. ad finem.* & ratio patet, quia violat priuatam legem testatoris.

³ Poteſt autem Episcopus aliquando ex iusta cauſa, si nequeat in eo Altari, cōcedere, vt alibi celebret. *Idem ibid.*

⁴ Qui tenentur celebrare in Altari priuilegiato pro Defunctis, & alibi celebrat cum nummisinate, verbi gretia, Sancti Caroli, quo anima liberari potest à Purgatorio, videtur satisfacere: quod innuit *Alphons de Leon. de off. & pot. conf. temp. Iubilei p. 3. n. 29. quem sequitur Fraxinelli Gauant. Rubr. Miss.*

de oblig. Sacerd. sett. 4. conclus. 4. §. 9. nu. 2. in 6. edit. qui tamen n. 3. limitat, nisi ille (ait) qui petit Missam, eam velit celebrari in hoc, vel illo Altari priuilegiato. tunc enim alibi non debet celebrari.

⁵ Qui tenetur alicubi celebrare, absque applicatione sacrificij, ad diuinum cultū tantum, ita debet ibi celebrare, vt nullo modo accipiat stipendum ab alio, vt illi applicet sacrificium sibi liberū, quod expressè vetuit Sacra Concil. Trident. Congregatio in declaratione *Decreti de celebr. Missarum sub SS.D.N. Urbano VIII. emanati*, de quo infra, in responsione ad quartum dubium. Quod etiam notent Canonici, & curati, qui tenentur celebrare Missam Cōuentualem, seu Parochialem in proprijs Ecclesijs ratione Canonicatus, seu Rectoriæ; quia ad eam tenentur ratione beneficij; secus, quando ex mera consuetudine, seu statuto Canonicali ad maiorem Ecclesiæ decorum Missas priuatas in propria Ecclesia collegiata, seu Parochiali celebrant, non ratione beneficij, neque Cappellæ, neque legati, neque salarij: qui soli quatuor Tituli in prædicta responsione prohibentur: & de Parochiis, quod ijs diebus, qui non tenentur Missam celebrare, non possent

M ma-

manualem eleemosynam recipere, decreuit *Sacr. Congr. Concil. Trid. die 1. Septemb. 1629.* quid, si teneatur ter in Hebdomada celebrare, ex Decreto Synodali, ut in Provincia Mediolan. ex *Conc. Prou. primo:* Possunt hi recipere, quia S. Congr. Concilij loquitur de festis, in quibus de iure communi tenentur celebrare, & annuos ideo redditus præcipiunt. eadem S. Congrēg. Conc. 13. Iuli 1620. declarauit adhuc, quod quando in fundatione beneficij, seu capellæ, expressè cautum est (nota verbum *expresse*) non teneri celebrantem ad applicationem sacrificij, eo casu poterit celebrans accipere nouum stipendium, & vñica Missa satisfacere obligationi beneficij, seu capellæ, & item danti nouū stipendiū. Hęc illa. Pariq; ratione Capellani Monialium, & alijs, qui incōgruo præsertim stipendio subeunt onus, titulo mercedis, quotidianæ Missæ, ea conditio ne expressa, quod nō teneatur ad applicationem sacrificij, poterunt accipere noua stipendia à Monialibus—particularib. aut alijs pro applicatione sacrificij.

6 Ratione Temporis: quia vel nunquā, vel səpius, vel tardius, vel citius, vel rarius celebrat, quam debetur: nam, qui nunquā celebrat, grauiter peccat: & in anno saltēter, aut quater quilibet celebrare tenetur, ex Trid. sess. 23. de refor. cap. 14. Parochi səpius, vt audiant populi Missam. lege Bonac. q. vlt. punct. 7. n. 1.

7 Qui səpius in die celebra, peccat. excipe sequētes casus: alijs vero à Doctribus allati non sunt amplius in vsu. Primo in die Natiuitatis. Secundo in casu supplendi sacrificij, de quo supra *titulo 10. nn. 3.* Tertio, quando Sacerdos præst duabus Ecclesijs, in quibus vterque populus solet audire Missam; & non habet Vicarium; qui suppleat in altero loco. *Suar. disputat. 80. sect. 3. cum alijs.* Quarto, quando pauci sunt Sacerdotēs, & multi sunt Catholicī in locis infidelium, & Hęreticorū, *Nauarr.* & alijs apud Scortiam lib. 2. c. 16. n. 2. in his enim casibus postremis licet bis, & ter celebrare, si opus est, ex *Suar.* omissa ablutione Calicis, vt in Natiuit. Domini.

8 Contingit *Tardius* celebrare cum peccato mortali, quando notabiliter differtur sacrificium, puta, ad impecrandum aliquid à Deo, & Missa dicitur elapso necessitatis tempore, quo casu tenetur etiā ad restitutionem. *Pet. Nauar. lib. 2. de restit. c. 2. nn. 366.*

9 Et item, quando ita multæ Missæ acceptantur pro Defunctis celebrandæ, vt longissimo tempore sit opus. cui malo prouisum est nuperrime cum *Decreto de celebr. Miss. à Sac. Concil. Trident. Congregatione edito 21. Iunij 1625.* in quo prohibetur singulis, ne eleemosynas manuales, & quotidianas pro Missis accipient, nisi oneribus antea impositis ita satisficerint, vt noua suscipere valeant.

10 Qua tamen in re eadem Congregatio declarauit. Primo posse noua Missarū onera suscipi, etiam si oneribus iam suscepitis non satisfecerint, dummodo infra modicum tempus possint omnibus satisfacere. ita in *declar. citata ad decimum.*

11 Si tamen tribuens eleemosynam prouis oneribus, sciat impedimentum, & consentiat, eo casu poterunt noua suscipi post alia quamprimum persoluenda. *ibid. ad undecimum.*

12 Comprehenduntur etiam in hoc Decreto priuati quique Sacerdotes. *ibid. ad decimumquintum.*

13 Transgressores huius specialis Decreti non tenentur tamen ad penas appositas in prædicto Decreto, quæ relationē tantum habēt ad onera perpetua, de quibus in eodē Decreto agitur. & nos paulo infra. *ibid. ad duodecimum.*

14 Cessantque omnia præilegia, quibus indulgetur, vt certaruin Missarum celebrationē, vel anniuersariorum, vel quibusdam Collectis, plurium Missarum oneribus in futurum suscipiēdis satisfiat; ita vt, si tempore huius Decreti superfuerint multæ Missæ celebrandæ, hę celebri distincte debeant, vt in *declar. cit. ad sextum.*

15 Qui vero obligatur ad celebrandum in festis de præcepto de voluntate testatoris, non potest differre Missam in sequentem Feriam; quia Feria non est Festum.

stum neque intelligendus est testator de Festis duplicitibus, vel semiduplicibus, quando simpliciter dicit, *in Festis*, sed de Festis de præcepto, aut consuetudine pro seruitio populi, ut censuit Congreg. Pœnitentiaria Mediolanen. re bene agitata. teste Bonac. loco cit. nu. 6.

16 *Citius quoque celebrando peccatur, anticipata scilicet applicatione sacrificij; nempe incerta, pro eo qui postea eleemosynam dederit, cum suspensione effectus sacrificij, quæ anticipata applicatio prohibita fuit a Paulo V. velut avaritiæ fomes, die 5. Nouembris. 1605. ut scribit Fraxinell. sect. 3. prænot. 5. §. 5. nu. 4. & 5. edit. 6. Poteſt tamen capellanus præuenire tempus celebrationis, & anticipate celebrare Missas, antecedente Hebdomada, quas ex obligatione celebraturus erit sequenti pro certa intentione. DD. citati à Barbos. de potest. Episcop. par. 2. alleg. 24. num. 14.*

17 *Rarius denique celebrando peccatur, quando quotidiano quis obligatur sacrificio, per se, vel per alium faciendo; & vno die per hebdomadam omittit celebrare, neque celebrari per alium curat. secus, si vni tantum impossum est quotidianum onus, ut per seipsum impleat. nā hoc intelligi debet, salua honestate, & decentia, ratione cuius vacare potest à Missa celebranda semel in hebdomada; hoc est, potest semel non celebrare. fuse Bonac. loco cit. §. 2. num. 16. non autem potest semel pro alio applicare sacrificium; quæ duo sunt valde diuersa, ut patet.*

18 *Qui vero impeditus infirmitate, non facit quotidiam Missam, ad quam tenetur, excusat; neque tenetur ad supplementum, nisi ultra mensem ægrotet; & item si reliquo anni tempore, diligens ille fuit in suo munere obeundo; & nisi in fundatione beneficij aliud expresse statuatur. quæ singula omnia sunt rationi consona, ex Bonac. ibidem punct. 8. nu. 17. cum alijs citatis. Petr. Nava r. de rest. l. 2. cap. 2. num. 210. & Nald. V. Missa num. 11. docent non teneri per alium satisfacere, qui ægrotat per duos menses.*

Diana tract. de celebr. Miss. resol. 27. per quindecim dies. Barbos. de potest. Episc. allegat. 24. num. 32. per octo; vel decem dies.

19 *Ratione Ritus, accident peccata in oneribus Missarum: quando promisit Sacerdos Missam votiuā, vel de Requiem, & dicit aliam de Officio currenti; quia virtus fidelitatis periret: & multo magis, si cum iuramento per instrumētum promisisset. Fraxinellus in opere edito sub hoc titulo: An Sacerdos teneatur dicere Missam pro Defunctis, vel eius vice possit dicere de Sanctis, vel Ferijs occurrentibus. edidit Bononiæ, me urgente. 1625.*

20 *Cæterum ibidem, citatis quām plurimis Doctoribus classicis, docet ille idē, posse loco Missæ de Requiem dici Missam de Sancto, vel de Feria currente: quando maiori deuotione afficimur in Missa de Sancto, vel de Fer. priuilegiata. vnde oritur maior valor accidētalis Missæ ex opere operantis, quo compensari potest, etiam cum lucro, Missa de Requiem, brevior, & quæ in multis minuit potius deuotionem. nam alioquin ex opere operato idem est valor in omnibus Missis.*

21 *Si vero non afficitur Sacerdos maiori deuotione in Missa de Sancto, vel de Feria; tunc dicere deber de Requiem, excepto Festo Duplici, Dom. & alijs diebus, in quibus prohibetur Missa de Requiem ab Ecclesiast. Rubricis, ut supra p. 1. tit. 5. nu. 2. pag. 9. 10.*

22 *Sensus etiam Ecclesiæ est, vt Missa concordet cum Officio, quoad eius fieri potest: cui sensui fideles omnes conformari debent. ex quo sequi videtur, non esse verba petehitis Missam votiuam, seu de Requiem, ita amarē intelligentia, ut eo modo rigorose celebrare teneatur Sacerdos, sed ciuili modo & morali, cum causa rationabili, ait Ecclesia in Rubricis titulo 5. numero 3. lex etiam Ecclesiæ præualere debet super laicorum legem priuatam, & sapè irrationabilem.*

23 *Monet idem auctor sapienter S. M. 2. cer-*

cerdotes, ut promittant se dicturos Missas eo modo, quo magis prodesse possunt iuxta maiorem sui dispositionem, & deuotionem.

24 Populus etiam qui simul offert cum Sacerdote, potest affici maiori deuotione audiendo Missam de Sancto, quam de Requiem, & consequenter prodesse magis eisdem ijs, pro quibus Missa celebratur. & hæc *Fraxinell.* probat *fusius ibid.*

25 *Azorius lib. 10. c. 32. q. 5.* docet fere prædicta de Missis votiuis, quarum vice potest dici Missa cum Officio concordâs, cum intentione secreta, quam haberet Sacerdos in votiuâ.

26 Nec erit necesse dicere in prædictis casibus Collectam de votiuâ, seu de Requiem, maximè si per Ecclesiasticos ritus non liceret applicatio namque sacrificij non sit in Collectis, sed potius in *Memento*, seu ut Theol. loquuntur, in oblatione, quæ tacitè sit in ipsâ consecratione.

27 Ratione *Officij*, seu *Beneficij*, quod erat quartum caput, contingit in oneribus Missarum peccati. nam Episcopi & Parochi tenentur aliquando applicare sacrificium pro suis ouibus, ex *Conc. Trident. sess. 23. cap. 1. initio*, arbitrio boni viri, nempe in præcipuis solemnitatibus Domini; & Dominicis diebus, aut saltē semel in hebdomada, ex *Bonac. quæstio. ultim. punct. 7. in fin.* qua ratione conciliari posunt Doctores, qui negant, cum Concil. Trident. affirmante *sess. 23.* est enim popolorum curator Episcopus, seu Parochus, & ab ijsdem sustentantur.

28 Regularis etiam grauiter peccat applicando sacrificium cōtra rationabilem voluntatem sui Prælati, vel Sacrificiæ ab eodem deputati. *Fraxinell. sect. 7. §. 7.* vbi addit, posse Prælatos irritare intentionem subditorum in Missæ celebrazione, si fecus applicant, ita ut Deus acceptet sacrificium. & valeat illi, cui à Prælato per ministrium insidem applicatur. & licet *Suar. doceat*, pendere effectum sacrificij ab intentione celebrantis, etiam

iniusta; eum tamen explicat *Fraxinell.* loqui de Sacerdote sæculari libero, non de regulari, cuius voluntas à Prælato pendet. alias onera monasteriorum subiacerent periculo & dubitationi, an persolverentur.

29 Quilibet item Sacerdos, ex probabiliori sententia, non potest applicare portionem sacrificij, quam diximus supra, cum de *Canone pagin. 124.* esse propriam Sacerdotis, accepto ob eam stipendio, tanquam pro integra Missa; quia cum sit saltē dubia hæc doctrina, posset lādi iustitia in hoc casu, & proximus qui stipendum pro Missa dedit, suo fructu defraudari, si vero fiat hæc applicatio sacrificij ex mera charitate, est satis probabilis opinio, & nullum damnum inde sequi potest proximo, pro quo celebratur.

30 Conuenit adhuc ratione *Officij*, vt ille, qui supplet inchoatum ab alio sacrificium, conformet secum primo Sacerdote in applicatione eiusdem sacrificij; quia accessorium sequitur naturam principalis: & quia (cum supplementum supponat alteram saltē speciem consecratam esse) probabile est, iam factam esse Deo oblationem pro eo pro quo primus Sacerdos cœpit Missam facere. *Corduba libro 1. quæst. 3. in quæst. principal. op. 5. post conclus. 4. §. 2. & Vafq. disp. 23. 1. nu. 40. & 41.*

31 Denum ratione *Stipendi* multis modis peccatur. qui enim accipit plura stipendia iuxta taxata scilicet vel lege, vel consuetudine, à pluribus, potentibus singulis vnam Missam pro se distincte, & vnam facit Missam pro ijs omnibus, peccat ex communiori sententia. *Fraxinell. sect. 4. concl. 1. fusius.*

32 Qui ab uno accipit plura stipendia, pro pluribus Missis, & vnam tantum celebrat, eodem modo, quo supra, peccat, ex eodem *ibid.*

33 Qui procurat stipendum iusto pinguius pro vna Missa (nisi celebrandum sit in loco distanti, vel incommmodo) peccat, ex *Bonac. & alijs, quos citat quæst. ultim. punct. 8. num. 13.* & tenetur inuidi danti

danti restituere, *ibidem num. 11.* neque sufficit titulus paupertatis, quia facta est ordinatio in Sacerdotem tit. beneficij, seu patrimonij sufficientis ad victimum, *ibid. num. 14.*

34 Qui stipendium iusto pinguius accipit pro Missa, quam deinde minori stipendio, quam sit iustum, facit ab alio celebrari, peccat: neque item si det illi stipendium iustum, retinens sibi quod est ultra iustum, tutus est in conscientia, nisi sit Dominus, & non merus dispensator, aut curator Missarum celebrandarum. *Fraxinell. sectione 3. pranot. 5. §. 4. numero 1. & congregat. Paenitent. Mediolan. apud Bonac. loco citato num. 18.*

35 Sed eam limitationem, nisi sit Dominus, &c. sustulit Sacra Concil. Trident. Congregatio in Decreto supra citato, in quo absolute prohibetur Sacerdoti, qui Missam accepit celebrandam cum certa eleemosyna, ne eandem Missam alteri, parte eiusdem eleemosynæ sibi retenta, celebrandam committat. & intelligi debet, etiam si detur illi stipendium iustum; quia paulo infra in eodem Decreto iubetur dici Missa pro eleemosyna tenui & pingui æqualiter; omne, inquit, *damnable lucrum ab Ecclesia remouere volens.* ecce causam Decreti. & *Fraxinell. in 6. edit. loco citato num 7.* conformat se Decreto.

36 Imò eadem Sacra Congregatio declarauit; etiam eleemosynam maiorem solita dari tribuendam esse integrum absolute Sacerdoti celebranti, nec ullam illius partem ab aliquo retineri posse. *in cit. declar. ad nonum. & in responsione ad septimum,* permittendum non esse ait, vt Ecclesia, ac loca pia, seu illorum administratores, ex eleemosynis Missarum celebrandarum ullam vtcumque minimam portionem retineant, ratione expensarum, quas subeunt in celebratio ne Missarum: nisi cum Ecclesia, & loca ipsa alios non habent redditus, quos in vium earundem expensarum erogare licet possint; & tunc, quam portionem retinebunt, nullatenus debere excedere valorem expensarum, quæ pro ipsomet

tantum Missæ sacrificio sunt necessario subeunde: & nihilominus eo etiam casu curandum esse, vt ex pecunijs, quæ superfunt, expensis vt supra deductis, absolute tot Missæ celebrentur, quot præscriptæ fuerint ab offerentibus eleemosynas. Hæc ibi. eadem tamen S. Congregatio 7. Septembr. 1630. referente Barbos. *de iure eccl. lib. 2. c. 5. nu. 39.* decreuit, quod, qui habuerit obligationem unius Missæ in Hebdomada cum stipendio legato, & confirmato de octo in octo annos, potest demandari alteri celebrationem prædictæ Missæ cum eleemosyna consueta iuxtamorem regionis, retenta sibi reliqua parte dicti stipendiij.

37 Qui vero acceptis duobus stipendijs iustis pro duabus Missis, vnam celebrat, applicando vni sacrificium vt propitiatorium, alteri vt impetratorium peccat tamen: quia vterque totum Missæ fructum prætendit. *Suar. cum alijs apud Bonac. quæst. vlt. punct. 8. num. 15. & Sacra Congregatio Conc. Trident. in Decreto citato damnat hanc distinctionem.*

38 Qui à pluribus stipendia minora iusto recipit, vt ex ijs constituto stipendio iusto, vnam Missam celebret, peccat: tuum quia promittens cuique Missam, tenetur dare illi totam: tuum quia in Decreto citato *Sacra Congregationis* tot Missæ dici debent, quot sunt eleemosynæ dætz, etiā incongruæ, & exiguae, siue ab uno, siue à pluribus dentur. quod præcipitur ibi sub obtestatione diuini iudicij, sub peccato mortali, & cum obligatione restitutionis, reuocatis quibuscumque privilegijs.

39 Rector beneficij, qui potest per aliū celebrare Missam, tenetur tribuere Sacerdoti celebranti pro se cōgruam eleemosynam secundum morem Ciuitatis, vel Prouinciae, nisi in fundatione ipsius beneficij aliud fuerit eaatum. *eadem Congreg. in cit. declar. ad octauum.*

40 Vbi nullum statutum est stipedium à testatore, vel alio, pro certo numero Missarum, eo casu statuere debet Ordinarius, non autem hæres, aut aliis, & iuxta morem Ciuitatis. *ibid. in respon. ad secundum, & quintum.*

182 Pars III. Tit. XII. De alijs oblig. Sac. circa Mis.

41 Caveat autem ut natusque ab one-
re perpetuo Missarum suscipiendo sine
licentia Episcopi sui, vel Generalis Vica-
rii, seu Generalis, aut Provincialis, si Re-
gularis est, dada in scriptis, & gratis: alio-
quin secularis ab ingressu Ecclesiae erit
eo ipso interdictus Regularis, autem po-
nam priuationis officij, & perpetuae in-
habilitatis ad officia, vocisque actiua, ac
passiuæ absque alia declaratione incurret.
eadem Congreg. in citato Decreto.

42 Ad hæc, ut ibidem dicitur, amoueā-
tur capsulae ab Ecclesijs cum inscriptione:
Eleemos pro Missis: ne fideles hac ratione
frustrarentur: neque exponantur in die
Commemorationis omnium fidelium
Defunctorum pro eorundem Missis soli-
tæ apponi, ut in cit. declarat. ad decimū
tertium, nulla tamen poena est in hoc ca-
su imposta, ex responsione ad duodeci-
mum, quæ in Decreto videbatur apponi.

43 Neque acceptorum multorum one-
rum reducō, moderatio, & commutatio
ab alio nunc fieri potest, nisi à Sede, Apo-
stolica, & aliter factæ sunt nullæ, ut in cit.
Decreto Sacrae Congreg. Concil. Trident.
Verumtamen, si in ipsa Beneficij erectio-

ne cantum fuerit expresse, ut licet Epis-
copo iniunctum onus reducere ac mo-
derati: declaravit *eadem Sacra Congre-
gatio*, licere adhuc Episcopo id præstare,
in respons. ad primum dubium. Quare
neque in Synodis Diœcesanis, neque in
Capitulis Generalibus fieri possunt amplius
reductiones Missarum olim con-
cessæ à Concil. Trident.

44 Et ne vlo vñquam tempore hæc in
obligationem, seu desuetudinem abeant,
Superiores locales cuiusque Monasterij,
Conuentus, ac Domus Regularis curare
atque efficere tenentur sub poena priua-
tionis Officij, vocisque actiua & passiuæ
ipso facto incurrenda, ut in perpetuum
sesto quoque mense, idest, Feria secunda
post primam Dominicam Aduentus, &
Feria sexta post Octauam Corporis Christi
prædictæ ordinationes in publica mē-
sa perlegantur: quam poenam subiere
iam nonnulli apud eandem Sacram Con-
gregationem Concilij Tridentini ab eo-
rum subditis accusati.

Et hic esto Finis Tertiæ Partis Rubri-
carum Missalis.



C O M-